

Kein andere gerechtigkeit / dan allein dise / das die herren der grubē / in welcher massen der herz des stollens / goldt oder sylber außgehauwen hatt / sie ihm das gelt erlegen / das er in die massen gewandt hatt / do er ein stollen durch sie treib. Aber ob dem mundloch des stollens / vnnnd vnderem stollen / das ein tieffe hatt vierdthalben lachtern / ist keine zügelassen / ein anderen stollen anzefahren / auß der ursach das ein solcher stollen in anderen / der ein erbstollen hatt / verendert werde / dieweil ietz die tieffe sibē lachtern oder zehen / wie es dan der alt gebrauch eines iedē orts ein krafft des gsatzes hatt / die massen & grubē treuget. Derhalbē dz ander gschlächte der stollen hatt erstmalē dis recht: was für metall die herren oder mitt gwerckē / in den massen der gruben finden / durch welche & stoll getriben wirt / dasselbig ist gar ihre / das eines lachters / vñ den vierdten teill tieff ist. Aber zü der zeit vnserer vorfaren / hatt der herz des stollens alle metall in seiner besitzung gehabt / das der bergtheuwer der auff dem bodē des stollens stundt / mitt dem knebell anrürt / welches still nicht lenger war / dan dessen / der zum gebrauchlichsten ist gewesen. Aber es wirt zü diser zeit dē stollherre ein gwüsse tieffe vñ breite fürgeschrybē / auff dz nicht so & stil des knebels lenger wurde gmacht / dan es sich gebürte / die herren der gruben schaden lidten: darnach ein iertliche gruben / die von metall / so man außhauwt / reich ist / welche der stollen treuget / vñ dem er das wetter bringet / gibt dem stollherren / vom neundrē den zoll. So aber mehr solche stollē in ein massen die von metall reich ist / getriben werdē / vñ sie all die selbigen treuget / vñnd in iren das wetter bringen / so gibt man den neundrē von dem metall / das auff dem boden eines iertlichen stollen gehauwen wirt dem stollherren / was aber vnder dem boden eines iertlichen stollen außgehauwen wirt / allzeit dem herren des stollens der aller nächst folget. Aber so der vnder stollē den schacht der massen noch nicht treuget / vñnd im kein wetter bringet / so gibt man auch vō metall / das vnder dem boden des oberē gehauwen wirt / dem stollherren das neundrē / vñ kein stoll nimpt dem anderen sein gerechtigkeit des neundrē / dan allein der vnderst stoll / von des bodē bis zum boden des oberē stollen sibē oder zehen lachter sein sollen / nach dem der künig oder fürst ein gsatz hat gmacher. Als dan des ganzē gellts / das der herz des stollens in die massen gwädt hatt / durch welche er ein stollē treibet / bezalt & herz über die massen den vierdten teil welchs so er nicht thüt / so darffer kein gerine brauchen. Zü letst was für gāng der herz außrichtet / auß welches kostē ein stoll getribē wirt / welches gerechtigkeit noch keinem geben ist / dem selbigē gibt der Bergmeister der es begärt die gerechtigkeit der fundtgrubenn allein / oder zūmal der fundtgruben vñnd der nächsten gruben: aber der alt gebrauch gibt freyheit ein stollen zütreiben wo hin man will / vñ so lang man will. Ober das so gibt man ietz zü zeit / dē der erstmalen ein stollen zütreiben anfahet so er ihn müttet / nicht allein die gerechtigkeit des stollens / sonder auch der fundtgruben / vñnd zūm zeiten der nächsten gruben. Vorzeiten aber hatt der herz des stollē / so viel ort besessen / als viel ein pfeil so vom armbrust geschossen / hatt reichen mögen / vñnd an dem selbigen ort hatt er mögen sein groß viech weiden: oder die alt gwonheit hat dis angenommen / das so eines gangs vieler massen schlecht / von wegen des wassers nicht wurden gesuncken / der Bergmeister dem der ein stollen treiben wolt / die gerechtigkeit einer grossen massen gab. So er aber nuhn ein stollen bis zum allten schächten getriben hatt / vñnd ärg gefunden / so kam er widerumb zü dem Bergmeister / vñ begärt das er im die gerechtigkeit der massen mitt gwüßem marzil vmbschreibe vñnd auß spreche. Derhalbē so gieng der selbig mitt sampt etliche diser statt Burgern / in welcher statt ietz die gschwornē kummē seindt / an das gebirg / vñ verzeichnēt die grosse massen mitt lochstein / welche war auß sibē ganzen wehr / das ist die nach der lēnge 98 nach der breite 7 welche 300000 in sich multipliciert machendē 686 lachter.

f 3 Es ist